

陸贄

竹居攷虞

全唐文

卷四百六十四之四百六十七

陸

竹居跋

全唐文
卷之六十六
目錄

欽定全唐文卷四百六十四目錄

陸贄

五

慰問四鎮北庭將吏敕書

與回紇可汗書


賜吐蕃將書

賜吐蕃宰相尚結贊書

賜尚結贊第二書

賜尚結贊第三書

答宰臣請停大禮表



欽定全唐文 卷四百一
答百寮請停大禮表

答百寮請停大禮第二表

答百寮請停大禮第三表

答百寮賀利州連理木表

答宰臣請復御膳表

答百寮請復御膳表

蝗蟲避正殿降免囚徒德音

冊淑妃王氏爲皇后文

冊嘉誠公主文

冊蜀王妃文

冊杞王妃文

賜李納王武俊等鐵券文

賜安西管內黃姓燾官鐵券文

策問博通墳典達於教化科

策問識洞韜略堪任將帥科

唐文苑英華卷四百六十四

欽定全唐文卷四百六十四

陸贄

五

慰問四鎮北庭將吏敕書

四鎮北庭將士官吏僧道耆壽百姓自祿山首亂中夏不安蕃戎乘豐侵敗封略道路梗絕往來不通哀我士庶忽如異域控告無所歸還莫從朕未嘗一夕忘懷而事勢不及相卹興言軫念忽以涕流卿等咸蘊忠誠誓死不屈或早從征鎮白首軍中或生在戎行長身塞外克奉正朔堅保封疆援絕勢孤以寡敵眾晝夜勞苦不得休息歲時捍

三才解甲胄勲高百戰義叶一心介然孤城獨守臣節日
來月往三十餘年奉國之誠久而彌勵求諸今古忠烈莫
儔義激人倫名光史冊蠢動知感況於朕懷朕嗣守洪業
君臨宇內思安兆庶以絕戰爭遂與贊普約定好和集蕃
漢士庶告天地神祇設壇會盟永息邊患疆場罷警于今
六年近以賊臣朱泚背恩驚犯宮闕贊普又遣師旅助討
姦兇兩國交懽事同一體北庭去此遙遠信使難通於西
蕃旣非便宜在國家又絕來往永念士庶隔在殊方歸路
無因親戚永訣爲令父母實所感傷已共西蕃定議兼立

誓約應在彼將士官吏僧道耆壽百姓等並放歸漢界仍
累路置頓供擬發遣待卿等進發然後以土地隸屬西蕃
今故遣太常少卿兼御史大夫沈房及中使韓朝彩等往
彼宣諭仍便與西蕃交割卿等宜遞相慰勉叶力同心互
相提攜速圖進路復歸鄉井重見宗親生人之情莫重於
此一勞永逸固不合辭卿等誠節昭宣勲閥茂著到此之
後當特甄升仍給田園以贍生業必令優厚用答忠勞如
有資產已成不願歸此亦任便住各遂所安宜勉良圖副
我勤想夏熟卿等各平安好遣書指不多及

與回紇可汗書

皇帝敬問可汗弟兩國和好積有歲年申之以昏姻約之以兄弟誠信至重情義至深頃因賊臣背恩構成嫌釁天不長惡尋已誅夷使我兄弟恩好如舊周皓及踏本啜達干等至得弟來書省覽久之良以爲慰弟天資雄傑識通明親仁善鄰敦信明義罷戰爭之患宏禮讓之風合太和用寧區宇惟茲盛美何以加焉朕之素懷與弟契爲君之道本務愛人同日月之照臨體天地之覆育甘於廣被彼此何殊況累代以來繼敦姻戚與弟俱承先世

所宜遵奉令圖自茲以還情契彌固垂之百代永遠無窮
緬想至誠當同此意所附踏本啜奏請降公主姻不失舊
頗叶通規待弟表到卽依所請宣示百寮擇日發遣緣諸
軍兵馬收京破賊頻立功勲賞給數多府藏虛竭其馬價
物且付十二萬匹至來年三月更發遣一般餘並續續支
付弟宜悉也安西北庭使人入奏並却歸本道至彼宜差
人送過令其速達弟所寄馬並到深愧厚意

賜吐蕃將書

敕尚覽鑠論莫陵悉繼等至省所陳奏朕具悉之國家與

大蕃親則舅甥義則鄰援息人繼好固是常規朕嗣位君
臨思安兆庶常以信讓爲事不以爭競爲心區域雖殊覆
育寧別贊普天資仁德好生惡殺與朕同心重修舊好會
蕃漢將相告天地神祇約誓之言至嚴至重大信一立義
無改移所請奉天盟書勒於清水碑石審詳事理頗甚乖
違往歲賊臣稱兵竊據城闕尚結贊志惟嫉惡義在救災
頻獻表章請收京邑朕以宗廟社稷悉在上都但平寇戎
豈惜酬賞遂許四鎮之地以答收京之功旋屬炎蒸又多
疾疫大蕃兵馬便自抽歸旣未至京有乖始望奉天盟約

豈合更論朕欲苟徇彼情便令鐫刻則是非務實信不由衷欺天罔神莫大於此凡曰通好貴於推誠將垂百代之名豈顧一時之利但以事之去就須定是非若不辨明便成姑息親鄰之義豈所宜然故遣使臣與卿詳議卿是大蕃輔佐必當智識通明事理昭然不足疑惑儻有他見宜具奏聞審細研窮須歸至當所論先許每年與贊普綵絹一萬匹段者本來立約亦爲收京然於舅甥之情此乃甚爲小事二國和好卽同一家此有所須彼當不恡彼有所要此固合供以有均無蓋是常理贊普若須繒帛朕卽隨

要支分多少之間豈拘定限假使踰於萬匹亦當稱彼所求朕之所重者信誠所輕者財利思與率土同臻太和想卿深體至公務存大義安人保境垂美無窮勉思令圖以副朕意今遣倉部郎中兼侍御史趙聿與來使同往書中意有不盡並令趙聿口宣尚結贊論莽羅等嘗總師徒遠來赴難功雖未就義則可嘉其所領將士等朕先許與賜物一萬匹段並已排比許卿所商量指定此使却回卽發遣往今各賜卿少物至宜領之

賜吐蕃宰相尚結贊書

敕尚結贊卿天資材術作輔大蕃識通古今志奉忠信義
聲積著遠近流傳比聞入典樞衡近知還總戎務二國所
定和好首末是卿商量得卿却來深以爲慰昨者邊軍狀
奏彼國兵馬踰越封疆朕以畫界立盟先有定分贊普素
敦仁義卿又特稟純誠背約侵漁必無此理但敕邊城自
備不令輒動干戈若使效尤恐成交惡初疑界首遊奕少
有乖宜不謂大發師徒漸加侵軼興兵動衆必合有名蕃
軍此行未測其故朕自嗣膺寶位卽與贊普通和敦以舅
甥結爲鄰援懲戰爭之弊知禮讓之風彼此大同務安衆

庶乃於境上建立壇場契約至明誓詞至重告于皇天后
土諸佛百神有渝此盟殃及其國朕敬奉誠約分毫不移
信使交懽歲時無絕碑文具在可以明徵豈有一事不行

一言不守

一作信

頃令趙聿專往近方從彼却回兼聞彼蕃

使同來至今獨在道路卿所論奏朕並未知待詳事由乃
可商議既稱和好理絕相疑未合輕舉甲兵便踰境界盟
誓之語忽焉如遺天地神明豈其可罔卿智識明達朕所
深知頃年猶舉義師救此災患今豈不存大信遂棄令名
故專遣使見卿欲得審知來意竚聞還奏以副所懷趙聿

及蕃使合到待覽

中意旨續卽商量報卿卿涉遠而來

當甚勞頓今賜卿

至宜領之秋冷卿比平安好將士

並存問之

賜尚結贊第二書

趙聿及論拱熱等至得卿表奏具見懇誠省覽言辭卽稱
和好及覩事跡唯務侵凌矛楯若斯將何取信審察書中
之意蓋求四鎮北庭如此事宜足得商議旣言通好理絕
相疑未合輕舉甲兵便踰境界盟誓之語忽焉如遺天地
神祇豈其可罔又聞放縱兵馬蹂踐禾苗邊境之人太遭